
«САХОВАТ ВА КЎМАК» УМУМХАЛҚ ҲАРАКАТИ ҚИЗҒИН ДАВОМ ЭТМОҚДА
“Саховат ва кўмак” умумхалқ ҳаракати доирасида Ўзбекистон туманида кам таъминланган ва эҳтиёжманд оилалар ҳолидан хабар олиш ва уларга саховат кўрсатиш ишлари давом этмоқда.

Жамғарманинг туман бўлинмаси ҳисоб рақамига келиб тушаётган маблағлар, саховатпеша инсонлар ва тадбиркорлар томонидан кўрсатилаётган кўмаклар орқали тумандаги хайрия маркази орқали ижтимоий кўмакка эҳтиёжманд аҳоли қатламига бирламчи ёрдамлар етказиб берилмоқда.

Хусусан, кеча, **19 май куни** марказ орқали 4 та сектор ҳудудларида истиқомат қилувчи ижтимоий ҳимояга муҳтож **43 та оилаларга;**

бугун **20 май куни** эса шундай оилалардан **39 тасига** бирламчи озиқ-овқат маҳсулотлари етказиб берилди.

Халқимизда қадимдан қадрланиб келган олийжаноб фазилатларни, азалий анъаналарни янада ёрқин намоён этаётган бундай амаллар туманда қизғин давом этмоқда.

Ўзбекистон тумани ҳокимлиги Ахборот хизмати

2020-05-20 16:33:47